

## 啟示 kah 聖經 ê 命題觀 (Propositional View)

七•五 Tiòh 充分瞭解保守派 ê 聖經觀，就應檢視 in ê 啟示觀 kah 伊 ê án 怎 kah 聖經有所關聯。Tī 歐洲 kah khah 大 ê 美國 kah 加拿大 ê 所謂主流 ê 教會中，主要 ê 神學觀點是，上帝藉 tiòh 種種行動 tī 歷史中啟示家己，然後人類應答上帝 ê chiah-ê 行動，使用神話 kah 傳奇等文學形式，kā 伊對上帝 ê 瞭解 kah 祂對伊 ê 子民 ê 行動記載落來。意思是講聖經是人應答上帝 tī 人類生活中 ê 行動，並因為 án-ne 受感應而寫落來 ê。M̄-koh，聖經可能有錯誤，因為它本質上是人寫 ê 冊，只 m̄-koh 包含上帝 ê 真理在內而已，á 是 koh khah 確實講，指出上帝 tī 舊約 kah 耶穌基督內面而 ê 啟示中所 ē-tàng 發見 ê 上帝 ê 真理而已。所以，聖經本身 m̄ 是啟示，卻是指示上帝 tī 人類歷史中 ê 啟示。所以巴特 kah 新正統派神學家 ē-tàng 斷言聖經 m̄ 是上帝 ê 道，卻是見證上帝活活 ê 道所寫落來 ê 話。

七•五•一 顯然，保守派反對 chit 種立場，而傾向 tī kā 新正統派規劃為自由派 kah 理性派 ê 另外一類型。根據保守派 ê 看法，啟示是 chē tī 上帝 tī 人類歷史 ê 行動 ê；啟示是上帝直接對人講話，hō 人正確 kā 祂 ài 人知影 ê 記載落來。因為 án-ne 啟示是命題式 ê (propositional)。上帝 hō 人 ê chiah-ê 命題，對咱 ê 拯救來講是必需 ê，mā 是上帝 tī 現代對祂子民 ê 啟示媒介。Chit 種啟示 kah 聖經 ê 命題觀，隨時引出經文純粹性 ê 問題來，隨時 tiòh 確定上帝 tī 古代所講 ê 話真正 kah 今 á 日教會所講 ê 話全款。換句話來講，一定 tiòh 有保護 chiah-ê 命題免除崩潰 ê 方法。為 tiòh beh 成就 chit 點，羅馬天主教會以無謬性教會、教皇 kah 教會傳統為聖經 ê 衛士，確定 kan-ta<sup>n</sup> ē-tàng 宣講 chiah-ê 啟示命題 ê 「正確」詮釋。另外一方面，新教保守派就 án-ne 以神啟、無謬誤、權威聖經 ê 教理來完成 chit 項工作。保守派 kan-ta<sup>n</sup> ē-tàng 用 chit 種方法肯定聖經 ê 純粹性，保護上帝所賜 ê 命題免 tī 崩潰。咱 ē-tàng 看出保守派 ê 立場，hō 伊 ê 聖經命題觀得 tiòh 符合邏輯 ê 發展。

七•五•二 啟示 kah 聖經 ê 命題觀，伊 ê 主要困難是偏 tī kā 啟示侷 (kiòk) 限 tī 已經啟示 ê 命題中，因為 án-ne 根本上切斷所有 chit-má kah 將來啟示 ê 可能性。Án-ne，便致使保守派時常忽略像講社會參與 (聖經 m̄-bat 提起任何 kah 器官移植有關 ê 道德問題)、宗教經驗 (保守派從來 m̄-bat ē-tàng 接受宗教中神祕要素 ê 實在性 kah 有效性)、聖神神學 (使用方言及先知性語言講話 ê 有效性 án 怎?)、kah 現代 ê 科學發展 (關於其他星球世界 ê 可能性命 kah 伊 ê 拯救 ê 需要 án 怎?) 等等情事。這以外，真 chē 保守派人士中，有一種趨 tī 嚴格直譯主義 ê 傾向，hō 當代人無法度 tī 上帝聖神 ê 引 chhōa 之下，就咱家己獨有特殊 ê 歷史 kah 文化情境去「努力得 tiòh 咱自己 ê 拯救」。聖經成做人所信仰並順從 ê 一本規則、律法 kah 教理書籍，人無機會運用伊家己 ê 意志、理性 kah 自由。富諷刺性 ê 是，今 á 日真 chē 保守派人士所持 ê 聖經觀，kah 耶穌時代 ê 文士 kah 法利賽人十分類似。

In 視律法比一個人對上帝、對同胞 ê 關係 koh khah 重要，今 á 日有真 chē 人用全款 ê 方式去看聖經。咱 tiòh 斷言，今 á 日教會中 ê siōng 曖昧而危險 ê 異端之一，tòh 是聖經偶像化 (Biblolatry)，因為準講是 hiah-ê 堅決支持律法 ê 人，mā 無法度接受上帝 tī 耶穌基督內面 ê 啟示，所以，今 á 日有真 chē 強烈支持聖經教理 ê 人，mā 無法度看出上帝 tī 聖經以外 ê 所在工作。

七•五•三 因為頂面所講種種理由，真 chē 少年 ê 保守派人士，當 teh chhōe 傳統保守派聖經理解 ê 可行之道。有 kóa 人 ê 立場被引 chhōa 視上帝並 m̄ 是 kan-ta<sup>n</sup> 祇 tī 歷史中講話，mā tī 歷史中行動。所以，便有 chit 種 tùi 強調經文話語 (text-word) 到強調能力話語 (power-word) ê 轉變 (參看 Harry L. Downs, *The Distinction Between "Power-Word" and "Text-Word" in Recent Reformed Thought*, Nutley, J. Presbyterian & Reformed, 1974)。差不多 lóng 無疑問，in ê 立場 kah 巴特 kah 新正統派 ê 立場類似，雖然真 chē 跟 tòe chit 種一般性神學運動 ê 人會 kā 它否認。巴特提起活 ê 道 kah 記載 ê 話，chiah-ê 「新」保守派就 án-ne 提起一個能力話語 kah 經文話語。Koh 講，chit 種新強調 ê 主要神學家之一，阿姆斯特丹自由大學 ê 柏庫沃 (G.C. Berkouwer)，tī chiah-ê 爭點上 kah 巴特 chiok 有同感，並 tī 近幾年來，確立一種本質上屬 tī 新正統派 ê 聖經觀。所以，咱發見保守派慢慢 á tī 接受一種 koh khah 具彈性，而咱相信是 koh khah 合理 ê 聖經觀，chit 點繼續 koh 對新教保守派解釋學帶有決定性 ê 衝擊。